

Auf d'r Haefeles- Mess (Am Mee)

A jed's Jahr da war drunt' am Mee bei uns die "Haefeles"-Mess ,
Da ha'm als Kinner mir druff g'spitzt, i kann die Fraed fei nit vergess !
A Jed's hat dann en "Zehner" kriegt vom Vat'r un der sagt: " Seid g'scheit ,
Gabt euer Gald nit unnuetz aus, sust hats euch spaet'r schnell gereut' ---
Die Bueba kaeffe si galopp a farbigs Goekerle aus Lehm
Un duedeln hal d'r Mutt'r dann dermit die Ohre voll derhem;
Die Maedli ham verschaemt ausg'sucht a porzellanas Poppela,
Un weil se pudlnacket war'n...da binde se hal Fleckli dra .
Die Mutt'r kaefft - na, weil se muss- a neue Suppeschuessl ei,
Figuerli fuer ihr'n Vertiko .. un sonst no Firlefanzeri !
D'r Vat'r schafft si vouller Stolz a grosse Kaffeetasse a ,
Denn a sei'm alte Haefela da is scho lang kee Henk'l dra !
Amol warsch's Fraela a derbei - sie war bei uns grad auf Besuch-
Un meent, sie muesst unbedingt was ganz Notwendigs fei aussuch !
Sie stuehrt in alle Ecka rum, im Haufe Tigl klee un gross
Un brummelt vor si hi un segt: " Wo hat'r denn die Luder blos" ??
D'r Haendler schmunzelt breit un grinst..un holt dann aus'm Bueschel Stroh
A zierlich's , fein's Potschamberle ...a prachtvoll's G'schirr fuer den Popo
Die Leut' ringsum, die bleiwe steh' un wispern leis ..un lache gar ,
Mir ham uns g'schaemt un arg scheniert, weil's offe auf d'r Strass' dort war
Doch's Fraela schuettelt mit sei'm Kopf...d'r Mann fraegt: "Na, wie gross soll
sei'
' I brauch' en groesser'n ... platzt se raus.. sou drei,vier Saecher muesse r